

دائرة مخصوصه

در سعادتده باب عالی جوارنده

محل اداره :

مشرط القلم

۱۳۲۶

اخطار :

مسئکمزه موافق آثار جديده مع المنوويه
قبول اولنور

درج اينده بن آثار اعاده اولنور

ديره، فلسفه، علوم، حقوق، ادبياتده و سياسياتده و بالخاصه كرك سياسي و كرك اجتماعي و مدني احوال و مشوره اسلاميه در بحث ايدر و هفته ده بر نشر از انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۳۰۵	روبله
سائر ممالک اجنبیه	»	۹	فرانق

صاحب و مؤسسلی :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیر سه سنوی
۲۰ غروش فضله آلنیر

در دنجی جلد

۳ جمادی الاول ۳۲۸ پنجمیه ۲۹ نیشان ۳۲۶

عدد : ۸۸

مطبوعات اسلامیہ:

ازمیرہ منشر (انمار) غزنی سی کریڈ روملینک اسلامدره فارشی
اعزہ ایدلکاری بویقوتازده بمثلہ دیورک:

کریڈدن بوکولرده وارداولان خبرلر، ینہ پک المناک و قسوتقزادر. کریڈک
رسمو شهری عادتاً برمشهر خجاعت واعتساف حالندهدر. هر کون توالی ایدن
بوقدر مظالم وتعدی وفوق التحمل بوقدر تجاوز وتصدی کافی دکل ایمش کی
ینہ رسمونک غیرمسلم اهالی وحشیہ سی طرفندن مسلم وطنداشلرینہ قارشى یاییلوب
قوتی صوک زمانلرده براز غائب ایمش اولان بویقوتاز یکیدن اعاده شدت
ایلددر؛ بروم براسلامدن اخذ واعطایه مأذون دکلددر. شاید خلاف تنبیه
وتلفیات؛ بروم، براسلامدن آلیش ویریش ایدرسه، مجازات متعددهیه
دوچار اولور.

بو؛ برحق نقطه نظر دن پک زیاده جالب اهمیت برحادثهدر. برملت
کندیسندن متضرر اولدینی آخر برملته قارشى برحق اسباب واحوالدن
ناشی بویقوتاز اعلان ایدهبیلر ایسهده، برملکتده طوغوب بویومش، عینی
علاقه وروابط وعینی حقوق ایله عینی وطنه مربوط ایکی عنصردن برینسک
دیگری علیهنه بویقوت اعلانه اصلا حق اوله ماز ذاتاً بونک هنوز بر ماهیت
حقوقیه سی اولدیغندن هر وقت کیف ماتفق تطبیق جائز اوله ماز. دیگر
جهتدن دخی کریڈ مسلمانلرینک اوراده بقایى حقوق ومنافع دولت نقطه
نظرندن غایت مهم وعادتاً اوراده بقای اسلام، حقوق عثمانیه ایچون ذی
حیات برهیکل اخطار اولدیغندن مسئله نك کافی صفحاتنده صوک درجه حائز
اهمیتدر.

کریڈ مسلمانلری دخی حقیقه فداکار ومتین الاخلاق اولدقلرندن هر جفایه
تحمل ایدهبیلرلر ایسهده، آجلغه و دشمن دین وناموسه قارشو سفالت
وعربانییه اصلا طیانته منلر.

وطنه قارشى اولمک، اولاد وعبالی وبتون موجودیتی فدا ایتک؛
حسن فداکاری وجوانردییه موافق اولدینی ایچون بوندن هیچ برکریڈ
مسلمانی یوزینی چوبرمن. فقط آجلغه قارشى مجاهده ایده جک بر قهرمانی ده
زمان هنوز طوغورمامشدر. کریڈ روملینک بونقطه نظر دن اعلان ایتدکلی
بویقوت عنصر اسلامک فرار وهجرتی ایچون غایت اساسی ومؤثر برتدبیردر.
مسلمانلرده کریڈده حائز علاقہ وحقوق اولدقلرندن روملرک بویقوت
اعلانیه هیچ برحقلری اوله ماز. حکومتک بوبابده وسائط سیاسیهیه توسلی
حسن نتیجهیه بادی اوله جنی امثالیه مثبتدر.



کریڈ هر ائم اسلامیه سندر (امیر) غزنی سی بحین مسئله معلومه سندر
بمثلہ دیورک:

«بونی نظر دقت واعتبارینه آلان باب عالی کریڈ مسئله سی حقنده
یکیدن دول حامیه نك نظر دقتی جلب ایده جک صورتده دول مذکوره
قایدنلرینه بر نوطه تبلیغ ایتک اوزره بولندیغنی مطبوعات عثمانیه درمیان
ایدیور ایسهده دول حامیه نزدنده جزیرهده استاتوقونک ادامه سی تنسیب
اولمقده اولدیغنی مطبوعات اجنبیه نشر ایدیور.

انجق اول و آخر بیان ایتدیکنز وجه اوزره بوکون جزیرهده جاری

اولان هر بر معامله یونان قرالی نامنه جریان ایتکده اولدیغندن دول حامیه نك
بیتوب توکنمه سی بولمیان بو استاتوقودن مقصدی؛ عجباً بوکونکی اداره میدر؟
یوقسه قومیسر زائیمسک مدت اداره سیمیدر؟

اگر قومیسر زائیمسک مدت اداره سی ایسه مع التأسف بوکون او اداره
کلیاً مفقوددر. یوق اگر دول حامیه نك مقصدی، بوکونکی اداره ایسه
یعنی خرسستانیلر طرفندن خودسرانه بر صورتله جزیره یوناستانه الحاق
ایدلکدن صکره اولان اداره ایسه ظن ایدرز که جزیرهده حاکمیت وحقوق
عثمانیه نك ادامه ووقایه سنه دائر دفعاتله باب عالییه ویردکلیری تأمینات بیوده
اولدینی اکلشیلور. حالبوکه بوموافق حقانیت وعدالت دکلددر. زیرا حکومت
عثمانیه نك زمان اداره سنده یوز بیک اسلام موجودایدی. حکومت عثمانیه نك
جزیره دن انفکاک یوم مشثومندن برو حامیسز قالمش اولان ۱۰۰،۰۰۰ اسلام،
«کریڈ مسئله سی حل ایدلک اوزره در» دیو دول حامیه طرفندن واقع اولان
وعدلردن بیقمش اوصاعش اولان اوزواللی اسلاملر هجرت ایده ایده بوکون
جزیرهده ۴۰ - ۵۰،۰۰۰ اسلام بر حال مرحمت اشتمالده قالمشدر.

بوکون جزیرهده حامیسز بولنان قرق بیک اسلام آجنیله جق برحاله
بولنیور. املاک وعقارتلرینه ظاهراً متصرف ایسهلرده معناً اوله دکلددر. زیرا
اسلاملرک املاک کندن بشقه لری مستفید اولیور. اسلاملر یالکنز ضرب، قتل،
حقارتیه محکومدرلر. بوایه شبهه یوق که هپ بدایت واتشاسی اولیان «استا-
توقونک محافظه وادامه سی مناسبدر» دیو هر بار واقع اولان جوابدن ایلرو
کلیور. بونک اوزرینه دول حامیه نك جدأ جزیرهده بولنان الی بیک نفوس
اسلامیه نك محوینی آرزو ایتز ایسه جزیره نك صاحب وحاکم مشروعی بولنان
دولت عثمانیه نك تکلیف بحق دائره سنده کریڈ مسئله سنک ارتق دولت عثمانیه نك
لهنه اوله رق حل وتسویه سنه موافقت کوسترملری حقانیت وعدالتک ایجاباتنددر.



قاهره ده منشر (الوار) غزنی سی جلوس هما یوریه جناب ضرر فتنه های
سنه دوریه سنک قهر بندره بحث ایدله دیورک:

بیوک خلیفه لرینک خاطره جلوسنی احیا مصرلیلرجه عادات قدیمه دندر.
بوکون احتفالات عظیمه ایله قارشیلانور. جمله فرحله، مسرتلر اظهار
اولور. کچن سنه لرده ایلول بره (۱۹ اغستوس) تصادف ایتکده اولان
بوکون اعیاد عمومیه نك استثناسی عد ایدیور عمومی شنلکلر یاییلور غنی
فقیر بتون مصرلیلر اشتراک ایدر قوناقلر، تجارتکاهلر، اولر دونایر آقشای
اوز بکیه باغچه سی بر کلین کی مزین نظره پیرا اطرافه انوار نثار اولور،
جایجا بایراقلر سنجاقلر چکیلر داوالر اوریلور کونا کون العاب ناربه وسائر
اجرا اولور. خلاصه سرور وبختیاری یی اظهار ایچون نه یایق لازم کلورسه
یاییلور وبوکونک فیض مسرتندن یالکنز زنکینلر دکل فقرا دخی نصیبه دارددر.
زیرا جمعیت خیریه بومبارک کون حرمتنه اعانهلر طاعتیه وبوصورتله عمومی
برایرام اولوراعیان وعظماى مملکت مسابقه لره کیریشیر، مراسمه برای نظارت
تشکیل ایده جک هیئته انتساب مدار مباحات اولور. کچن سنه خلافتپناه
اغندمزک جلوسلرینی متعاقب ۱۰ تموز یوم مخصوصی حلول ایتدی بوکونده
مصرده کی عثمانلی قرداشلرمن شنلکلرینه برخصوصیت شکلی ویردرک نظامات
مخصوصیه تابع وایالت ممتازه عدا دینه داخل بولمق حسبیله مصرک عثمانلی
قانون اساسی سنده برکونه علاقیه سی بولمادیغنی اشراپ ایتدیلر بنشاء علیه
مصرلیلر اوکونه عائد خاطراتی ارزو ایتدکلیری صورتده احیا ایدهمدیلر.
شو حالده مصرلیلر ایچون یکانه فلان کون کندیلرینک وبتون معشر اسلامک
بیوک خلیفه سنک روز جلوسیدر. بنا برین بوکونک قدرینی بیله رک دولتمز
وخلیفه مزه اولان اخلاص ومحبتمزک آثارینی کوسترملی یز. بر ایلول ایله
۲۷ نیسان (افرنجی) اراسنده بر فرق کورماملی یز. دوشونملی یز که ذات

کورمیه جگر دی پترسبورگی زیارت ایسه لریله استانبولی زیارتیه جگر ایدی . لکن ترکیه آرسلا نیجه ، مهاجرتکارانه طاوراندی .

بغیر سرایه منتشر (ترجمانه) غزه سی اقوال مفتی برك بین المسلمین ترجمه تطبیقاتی هفتم کی تمهیدیه بمحمد دیورک :

« بوفکر حد ذاتنده جوق دوغریدر . مجله اعتقادی و حقوقیه وجوده کتیریلوب مسائل شرعیه نك حنده تسهیلات چاره سی بولنسه البته بك كوزل اولوردی . فقط بویه بر مجله نك ترتیب و تنظیمی ایچون اوتوز قرق عالمك بالذا کره برقاچ سنه لر چالشمه سی لازم کله جکندن اجراسی مشکل اوله جقدره . استانبولك مشهور مجله سی ایچون نیجه سنه لر اوغراشیلدی . »

عالم اسلام

رأبونیك انشائلا انشائلا

بونام ایله سیاح شهیر عبدالرشید ابراهیم افندی حضرت تلرینك غایت قیمتدار و عالم اسلام حقنده غایت مفید و اساسی معلوماتی حاوی مفصل بر سیاحتنامه لری صراط مستقیم اداره خانه سی طرفندن جزء جزء نشر اولمغه باشلانہ جق در . برنجی جلدی ایچون ابونه یازیلیور . برجله (۲۰) جزء دن عبارتدر ، هر جزء ده ۱۶ بیوك صحیفه لی ایکی فورمه دن ، یعنی اوتوز ایکی صحیفه دن عبارتدر . ابونه بدلی كرك استانبول ، كرك طشره ایچون (۲۰) غروش در .

خبرات علمی

قوالده اعدادی معلملرندن علی غالب بکه — قونفهرانسرك قوالده تنویر افکار خصوصنده حصوله کتیردیکی حسن تأثیر ازدیاد شوق و غیرتی موجب در . عبدالرشید ابراهیم افندی حضرت تلری طرفندن ویران درت مهم قونفهرانس ایله بر موعظه ده مضبوطدر ، صره سیله نشر اولنه جق در . نشرینه باشلانلق اوزره بولونان (عالم اسلام و ژاپونیا ده انتشار اسلامیت) نام اثر ك اكمل طبعی متعاقب روم ایلی به متصور اولان سیاحتلرنده قواله یه ده اوغراملری مقرر در .

« مطبعة خیریه » و شرکاسی مدیر مسئول : اشرف ادیب

دکیشیر فقط خلافت الی ماشاء الله باقی و پایدادر . بوسنه شملکدره همسزلك کوسترلسنی قطعاً تجویز ایتمیز . بویوم مبارکه شوراده اوچ کون قالدی . حکومتده بر معتاد استحضارات کوریلور . دازالمحافظه اطراف ، عثمانلی قومیسرلك دائره سی ترین اولنیور . دولتلو قومیسر باشا حضرت تلری اوکون بر رسم قبول اجرا بیوره جقلردز . غبور قرداشلر من بوکونی لایق اولدینی وجه اوزره تجیل و كرك دولتمزه و كرك خلیفه من قارشى طاشیمقده اولدیغیز حسیات تعظیم و صربوطیتی اراده خصوصنده کی شو کوزل وسیله یی فوت ایتمیه جکلرینه قویاً امید وارز . »

فرانسه منتشر (بولدر) غزه سی ابراهیم اندره بمحمد دیورک :

« ایران مملکتی روسیه ایله انکاتره اراسنده ایکی به بولنیور بر قسمی روسیه به و بر قسمی انکاتره به قالیور ایدی . تقسیم فعلاً واقع دکل ایسه ده نفوذاً وجود بولیور ایرانی آتیاً قوغا منزه به بالاشمق مقصدی تعقیب اولنیور ایدی . لکن ایش تخمینلری کی چیقمدی ، ایران ازله دی . حال حاضرده بارچه لدیفیده یوق . شو قدرکه باره سزلق ایرانی بورجه سوق ایدیور . انکاتره ایله روسیه کندی منفعتلرینه موافق شرطلر ایله بر مقدار باره اقراضنده بولنق داعیه منه دوشدیلر ایران اهالیسی بونی معقول کورمدی . استیلای اقتصادینك نتایجی کوزلرینی قورقتدی . استقراض داخلی به تمایل ایتدیلر . فقط اغنیالرینی بوفکره مساعد بولادیلر . ایسته بوسره ده المانیاحکومتی نام فرصتی غنیمت بیله رك اقراضه ، شمندوفر خطوطی تمدیدینه ، ارمیه کولنده سیر سفائنه مهیا بولندیغنی بیله پردرك اونه کیلرك پشمش آشنه صو قالدی . المانیای ملی بانقه سی وکیللرندن بری طهرانده بو خصوصلره دائر مذاکراتده بولنیور . المانیانك مقصدی بغداد خطی ایران داخلنه قدر ایلرو لیمکدر . روسیه وانکاتره ایسه بوفکرلردن قوشقولانیورلر . المانیانك بش سنه اول فاسنده تعقیب ایتدیکی پولتیقه یی بوراده ده تطبیق ایتکده اولمستند طولانی حدتنبورلر . فاس اختلافنده فرانسه و المانیای اراسنده محاربه احتمالك اوکی آلتقله برابر فایس حکومت اسلامی سی ساحه سلامتی بولمش ایدی . احتمالکده باختلاف سایه سنده ده ایران حکومت اسلامی سی کیسینی قوردریر و بوسورتله ده (ولولادفع الله الناس بعضهم ببعض) آیت کریمه سنك سری بردها تجیل ایدر . »

هامیطر ضانده منتشر (ایدل) غزه سی اورویا سیاست عمومیه سنك دولت عثمانیه لرنده کی نظاهراندره بمحمد دیورک :

« ماضیده کی دهشتلی دشمنلقلر دوستلغه منقلب اولدی . عثمانلی حکومتك بتون دشمنلری بوکون اکا خیر خواهلر و دوستلق کوستریور . بودوستقلرینی استانبولی زیارتله اثبات ایدیورلر . بوندن ایکی سنه مقدم ترکیانك ترکه و میراثی تقسیمه قرار ویرن حکومتلر بوکون تمامیت ملکیه منی تأمین و مشروطیتی محافظه ایتك ایچون وعدلرده ، خدمتلرده بولنیورلر . اسکیدن ترکیه ایله کچوک یا بیوك بر حکومت اراسنده نزاع و اختلاف ظهور ایتسه ترکیاحکومتده قارشى بارمق صالایوب ، اولتیا نوم کوندروب حرکتی طور دیرن و بونکله طور دیرمه منلر ایسه ایکی اوچ زرهلیدن مرکب فیلولرینی استانبول صولرینه کوندره رك ترکیایی نیت وفکرندن واز کچیرن . توبه ایتدیرن دول معظمه بوکون اوزاقدن سیرجی بولنیورلر . ترکیانك چته لر بحرانی ازالده کوستردیکی فداکارلق و غیرت و مهارتی ، استحضارات عسکریه منی کمال تعجب ایله تحسین ایدیورلر . ذاتاً دولت علیه عثمانیه بلغاریا ایله بونانستان حکومتلرینه وانلرك کندیسنه قارشى کوسترکلری نمایشه مقابل اگر اولکی کی اثر تردد و خوف کوسترسه ایدی ، عبدالحمید زماننده اولدینی کی قوللرینی باغلا یوب تملقلر اظهار ایتسه ایدی شبهه یوق که بالقان حکومتلری نه پترسبورگی و نه استانبولی زیارتیه لزوم